

Colossians

Saint Paul, Colossae gwizhit Gwik'injiighit Najj ts'a' Ch'adaant'oo

1 ¹Shij t'ee Paul t'ihchy'aa ts'a' jii dehtly'aa diichaa Timothy gwik'injiighit haa nakhwats'a' daraant'oo t'igwii'in. Vit'eegwijyahchy'aa gwiteetr'ashahchij k'iighai' Christ Jesus Vitr'ihl'ee ihii.

²Colossae kwaiik'it gwachoo gwizhit Vit'eegwijyahchy'aa vigii ohlij ts'a' diijyaa najj chan ohlij ts'a' Christ vik'injuhkhith geh'an vaa khaihak ohlii dehtly'aa geenjit nakhwats'a' diht'oo. Vit'eegwijyahchy'aa Diiti' ch'eegoonzhrij ts'a' tsinehdan nakhwats'an ohtsyaa!

**Paul, Colossians Najj Eenjit Vit'eegwijyahchy'aa
Mahsj' Ahnyaa ts'a' Khagidiinjii**

³Vit'eegwijyahchy'aa, K'eegwaadhat Jesus Christ Viti' nilii aji khith nakhweenjit vats'a' khadigariinjii daj' nakhweenjit mahsj' gwinyaa. ⁴Christ Jesus, datthak vik'injuhkhith, ts'a' Vit'eegwijyahchy'aa vigii najj datthak eet'ohthan chan gwiriitth'ak, geh'an t'igwinyaa. ⁵Nijin tr'ookit Gwandak Nizij aji ginjik hi'didlii nilii gothth'ak daj', Vit'eegwijyahchy'aa yeendaa ji' nakhweenjit deehishi'yaa nyaa aji gwik'it t'ihche'yaa vaakhwandaii aji gothth'ak. Aajits'a' nakhwagwik'injigwiighit ts'a' nakhwach'eet'igwiiniindhan haa jidii Vit'eegwijyahchy'aa nakhwant'eehee'aa gaakhwandaii

ts'an t'inchy'aa, aji t'ee zheekat gwinzii nakhweenjit vak'aantii dhidlii t'inchy'aa. ⁶Jii nankat dinjii naji datthak Gwandak Nizii giitth'ak ts'a' gwik'injiighit haa tr'agwaanduu t'igi'in gwats'an lihts'eedagaa'ee. Vit'eegwijyahchy'aa shoo gahahtsyaa geenjit. Tr'ookit Gwandak Nizii dohtth'ak dai' gwats'a' gwik'injuhkhith dhoodlit ts'a' Vit'eegwijyahchy'aa vich'eegoonzhrii hi'didlii gaakhwandaii. ⁷Aji dinjii Epaphras t'ee jii gwandak geenakhwootin ts'a' Christ vitsyaa tr'iinlii gwik'it adan t'ee Christ vitsyaa nilii ts'a' veet'igwiindhan ts'a' adan t'ee diineet'iindhan t'inchy'aa. Diineh'an Christ eenjit gweedhaa datthak gwitr'it t'agwah'in. ⁸Epaphras t'ee deegwaht'oo Ch'ankey'aa Shroodiinya q'ii'ghai', Vit'eegwijyahchy'aa vigii naji eet'ohthan dihaa gwaandak.

⁹Jii geh'an nijin drin nakhweegwiriitth'ak dai' gwats'an nakhweenjit kharigidiinjii akhagwaroonya q'waa ts'a' Ch'ankey'aa Shroodiinya q'ii'ghai' nats'ahts'a' Vit'eegwijyahchy'aa dinjii qh'i' nakhwoihnya q' gwik'it dinjii hohlyaa gaakhwandaii geenjit. ¹⁰Ts'a' nats'ahts'a' Vit'eegwijyahchy'aa dinjii qh'i' nakhwoihnya q' gwik'it dinjii hohlyaa ts'a' deekhwa'in datthak shoohtsyaa ts'a' gwinzii nakhwagwitr'it gweheelyaa ts'a' Vit'eegwijyahchy'aa gwandaa gwinzii vaahakhwandaii geenjit datthak nakhweenjit kharigidiinjii. ¹¹Vit'eegwijyahchy'aa vat'aii jiintsii haa nakhwat'aii gweheelyaa ts'a' khaiinjich'akhwaghit ji' khai'gwidlii ts'a' shoo qh'ii haa t'akhwa'yaa geenjit nakhweenjit kharigidiinjii. ¹²Vit'eegwijyahchy'aa Gwiti' zheekat diineenjit jidii di'ii aji Veegwini'ee ch'eegwahndit zhit digii naji ts'an yahahtsyaa nya q' geenjit mahsi' khith vohnya q'. ¹³Gwehkii dai' tr'aanduu aji diits'a' k'eedeegwaadhat ts'a' toq gwizhit tr'iilk'ii, gaa juk Vit'eegwijyahchy'aa tr'agwaanduu diigwitr'it gwanlii ts'an tr'idiiniinlii, ts'a' t'ee Veegwini'ee gwizhit Didinji' eet'iindhan vaa nihdeeriinjil ts'a' diits'a' k'eedeegwaadhat nilii. ¹⁴Vidinji' deezhik k'ii'ghai' Vit'eegwijyahchy'aa tr'aanduu vat'aii ts'an tr'idiiniinlii ts'a' yeena diitr'agwaanduu gwanlii datthak oo'an gwahaadlii t'inchy'aa.

Jesus Christ Jidii Datthak Andaa Jiintsii

¹⁵Dinjii ch'ihlak gaa Vit'eegwijyahchy'aa nah'in kwaa gaa nijin Vidinji' dzaa nankat dinjii ky'aa vagooldii dai'

t'ee Diti' Vit'eegwijyahchy'aa diits'a' igwiilkij. Gwidinji' aji, Vit'eegwijyahchy'aa jidii gwiltsaji kwaii datthak ts'a' k'eedeegwaadhat goodlit. ¹⁶Christ vik'iighai' t'ee Vit'eegwijyahchy'aa, zheekat ts'a' nankat datthak gwiltsaji t'inchy'aa. Jidii tr'aa'h'in, akwat jidii tr'aa'h'in kwaa aji datthak gwiltsaji ts'a' juu dinjii, nankat k'eedeegwaadhat ts'a' t'aih geenjit di'ji naji datthak gooviltsaji ts'a' zhat nagoovinlii t'igiinchy'aa. Zheekat gwich'in naji datthak chan iltsaji ts'a' zhit zheekat gwich'in juu iizuu dhidlit naji gaa iltsaji t'inchy'aa. Christ veh'an jidii datthak iltsaji ts'a' yeenjit gwizhrh gwiltsaji t'inchy'aa. ¹⁷Jidii datthak hahtsyaa gwats'a' dai' hee gwats'an Christ gwanlii, aji's'a' t'ee vik'iighai' jidii datthak khaihlok nih'aa gwitr'it t'agwah'in t'oonchy'aa. ¹⁸Aji's'a' Christ adan t'ee diikhwan vitr'igiinkhii zheh tr'iinlii ts'a' diits'a' k'eedeegwaadhat ts'a' vatthaji' tr'iinlii k'it t'iriinchy'aa ts'a' deegwehee'yaa datthak gwik'it t'akhwa'in diinahnyaa. Adan t'ee digii naji ts'an gwandaii k'eejit ahtsii. Christ t'ee Vit'eegwijyahchy'aa tr'ookit ch'ich'i' ts'an yineegwidaii, aji geh'an jidii datthak ts'a' k'eedeegwaadhat yiltsaji t'inchy'aa. ¹⁹Aji geh'an Vit'eegwijyahchy'aa nats'ahts'a' t'inchy'aa aji gwik'it Didinji' Christ t'oochy'a' niindhan ts'a' dik'it yiltsaji t'inchy'aa. ²⁰Christ vik'iighai' Vit'eegwijyahchy'aa jidii iltsaji datthak vaa khaihlok heelyaa gwiltsaji. Aji's'a' jidii zheekat ts'a' nankat datthak gwiltsaji haa tsinehdan heelyaa geenjit Didinji' vadaa eenjit cross kat giltsak.

²¹Colossae gwik'injiighit naji, gwehkij dai' Vit'eegwijyahchy'aa vaa qh'ij kwaa gaa juk t'ee Vit'eegwijyahchy'aa vaa qh'ij. Izhit dai' gweedhaa datthak tr'agwaanduu gwizhrh t'akhwa'in geh'an Vit'eegwijyahchy'aa inehs'i' ninjich'qhthat. ²²Gaa juk t'ee vaa tsinehdan hoh'lyaa neenakhwiltsaji. Christ dzaa nankat gwidinji dhidlit ts'a' niindhat aji gwik'iighai' jyaa diizhit aji geh'an Vit'eegwijyahchy'aa, Ch'aroahkat Drin zhit nagwaanaji ji' nakhwatr'agwaanduu gwakwaa nakhwahaan'nyaa. ²³Tseenjyaa Gwandak Nizij hi'deegwidlii k'injuhkhith ji' t'ee, zheh nan nizij kat gwiriltsaji k'it nakhwagwik'injigwiighit heent'aai oh'ji, ts'a' Gwandak Nizij zhit Vit'eegwijyahchy'aa nakhweenjit deeshi'yaa nyaa aji gohta' ts'a' ch'ih'lee gaa akhagoonyaa nahohtsyaa shro'! Jii Gwandak Nizij ch'adai' dohtth'ak ts'a' dzaa nankat gwa'an dinjii naji datthak haa gwirildak t'oonchy'aa.

**Gwandak Nizii, Jews Nili Kwaa Naji Haa Gwahaandak Geenjit
Nats'ahts'a' Gwint'aii Gwitr'it T'agwah'ya', Paul Geegwaandak**

24 Juk t'ee khaiinjich'ishighit shoo ihlii ajiit'ee gwinzii t'akhwa'yaa geenjit t'ishi'in gaashandaii. Christ veenjit deegwaht'oo khaiinjich'ashooghit shoonya gwik'it t'ishizhit, vitr'igiinkhii zeh gwizhit gwik'injiighit naji vatthaj' k'it t'igiinchy'aa naji gooveenjit t'ishizhit. 25 Vit'eegwijyahchy'aa vitsyaa dhiidlit, juu gwik'injiighit naji datthak ts'ihihjyaa geenjit. Nakhwats'ihihjyaa geenjit jii t'ishi'yaa shant'eegwiin'aji. Gwandak Nizii gwinzii nakhwaagwahaldak geenjit. 26 Yeena da'i' gwats'an Vit'eegwijyahchy'aa jii Gwandak Nizii yeena dinjii naji datthak eegoh'it gwi'aji chy'ah juk digii naji ts'a' gwizhrh nigwiin'aji. 27 Vit'eegwijyahchy'aa digii naji datthak ts'a' gwizhrh nigwiin'aji jyahts'a' gwik'iighai' juu Gentiles nilii naji datthak ts'igweheenjyaa geenjit t'iizhik. Jii deezhik geh'an t'ee Christ nakhwazhit t'inchy'aa goodlit. Jews nilii kwaa naji qhlii ts'a' vik'injuhkhith haa Vit'eegwijyahchy'aa vich'eegwahndit hohdal gwiitsaji ajiit'ee Vit'eegwijyahchy'aa deehee'yaa nyaq aji gwik'it t'iizhik. 28 Juu naji datthak ts'a' Christ Vagwandak Nizii eegwaraandak, juu naji datthak Christ deenyaq datthak vik'eegohthat goorahnyaq ts'a' gwinzii gaageheendaii geenjit goovaagwaraandak, nijin Vit'eegwijyahchy'aa ts'a' nagadhat ji' gwik'injigwiighit choo nint'aii haa Christ vaa khaihak giinlii zhit Vit'eegwijyahchy'aa ts'a' nigieedhat geenjit. 29 Izhit geh'an lyaa gwint'aii gwitr'it tr'agwah'in t'ishi'in. Christ vat'aii jiintsii haa tr'agwah'in aji datthak t'aachy'aa haa Gwandak Nizii eegiikhkhi t'ihnyaq.

2 1 Colossae kwaiik'it ts'a' Laodicea kwaiik'it gwik'injiighit naji ts'a' gah juu gwik'injiighit tth'aii hee shaandaii kwaa naji datthak, deegwaht'oo nakhwats'ihihjyaa gwik'eegwihdaii gaakhwandaii nahoihnyaq. 2 Ch'izhii naji ts'a' nakhwadrii zhit Ch'ankey'aa Shroodiinyaq k'iighai' t'aih nakhwats'an hahtsyaa ts'a' nakhweech'eet'igwiniindhan zhit khaihak hohlyaa geenjit t'ishi'in, ts'a' Vit'eegwijyahchy'aa Vagwandak Nizii h'didlii vaakhwandaii, ajits'a' Vit'eegwijyahchy'aa deehee'yaa aji yeena da'i' dinjii naji eegoh'it gwi'aji ajiit'ee Christ t'inchy'aa vaakhwandaii geenjit t'ishizhit. 3 Christ k'iighai' gwizhrh diigwizhi' gweheelyaa ts'a' jii Gwandak Nizii gwinzii vaagweheendaii, geenjit lyaa jiintsii ts'a' daat'oo t'inchy'aa.

⁴Jii nakhwaagwahaldak, jyahts'a' gwik'iighai' juu giinkhih adaa'ii najii gwinzii gigiinkhii haa tsinteenakhwagahahakaii kwaa geenjit. ⁵Nakhwaa dhidii kwaa ts'a' niighit hee t'ihchy'aa gaa khit nakhwaninjich'althat t'oonchy'aa. Christ zhrih gweedhaa datthak k'injuhkhit geh'an khaihłak qhłii haa nihłaa nadhoozhii nakhwaashandaii geh'an nakhwashoo ahłii.

**Vit'eegwijyahchy'aa Vigii Qhłii K'it T'akhwa'in,
Giinkhih Adaa'ii Najii Gootajii Ohdaa Shro'**

⁶Ajits'a' Christ Jesus nakhwak'eegwaadhat dhohtsajii vik'injuhkhit geh'an, nats'ahts'a' dinjii ooli' nakhwoihnyaq gwik'it dinjii qhłii. ⁷Gweedhaa datthak Christ Vagwandak Nizii k'injuhkhit ts'a' vaa khaihłak qhłii. Jidii Christ eenjit geenakhwaraahtan ajii gweedhaa datthak gwint'ain gwik'injuhkhit, ts'a' nijin Vit'eegwijyahchy'aa vats'a' khagadqhjii daj' khit ts'a' nakhweenjit dee'ya' geenjit mahsi' vohnyaq.

⁸Nats'ahts'a' Vit'eegwijyahchy'aa eegiginkhii, dinjii ch'ihlee k'ii'an gwik'injuhkhit nakhwagahahtsya gwi'ts'i' gwak'qohhtii. Nats'aa geech'oaqhtan ajii lyaa hi'didlii k'it t'iginyaq gaa zhyaa k'ii'an geech'agwaatan t'iginyaq. Jidii geech'agwaatan t'ee zhyaa ch'izhii dinjii gwilt'sajii ajii geech'agwaatan t'igii'in, ts'a' dzaa nankat deegwii'in gwizhrih geenjit eech'agwaatan ts'a' Christ veenjit hi'deegwidlii ajii eech'agwaatan t'igii'in kwaa. ⁹Ajii geenjit nijin Christ dinjii dhidlit daj' gaa nihk'it Vit'eegwijyahchy'aa tth'ain hee nilii t'inchy'aa. ¹⁰Ts'a' Christ vaa khaihłak qhłii ajii Vit'eegwijyahchy'aa vaa hohdaa geenjit Ch'an'ky'aa Shroodiinyaq zhit jidii vat'oohchy'aa datthak khwa'ii. Zheezhit jidii ch'an'ky'aa niint'ain ajii najii datthak Christ goots'a' k'eedeegwaadhat. Juu gwintsii veegoo'ain ts'a' khaihkwaii nilii najii datthak gaa Christ voozhri' goovandaa nint'ain.

¹¹Christ vaa khaihłak qhłii geh'an, nakhwatthaj' kat khagwarah't'uu (circumcised) k'it t'ohchy'aa. Tr'agwaanduu t'akhwa'ya' nohtan ajii nakhwa'eeegwarahaadlii. Dinjii danli' haa nakhwakat khagwarah't'uu ajii t'agwarahnyaq kwaa gaa tr'agwaanduu t'akhwa'ya' nohtan ajii Christ nakhwa'eeegwahaadlii t'agwarahnyaq. ¹²Nijin chuq nakhwats'an tr'ilt'sajii daj' tr'agwaanduu t'akhwa'in ajii Christ haa vanaraqahjik k'it t'oonchy'aa, ts'a' Christ gwaandaii k'eejit haa needhikhin k'it chan t'akhwazhit.

Vit'eegwijyahchy'aa dat'aii haa Christ niindhat gwats'an ninifkhin aji gwik'injuhkhith geh'an nakhwats'a' jyaa digwiizhit t'oonchy'aa. 13 Jews nilii kwaa naji, gwik'injihohthaa gwats'a' daji' Ch'ankey'aa Shroodiinyaa zhit gohdaii kwaa. Aji's'a' Vit'eegwijyahchy'aa tth'aii hee khith tr'agwaanduu t'akhwa'ya' nothnan nakhwaleegwahaa'aji kwaa, gaa juk Christ zhit vaa gwandaii k'eejit khwa'yaa geh'an diitr'agwaanduu datthak diineenjith oo'an gwahaadlii. 14 Vit'eegwijyahchy'aa yeenii diitr'agwaanduu datthak ganahjik k'it t'oonchy'aa, nijin Christ (cross) neek'ataa'ee kat giriitsak ts'a' niindhat daji'. 15 Nijin jyaa diizhit daji', Vit'eegwijyahchy'aa ch'ankey'aa iizuu k'eedeegwaadhat datthak Christ cross kat niindhat haa gaiiyiitsaji t'inchy'aa.

16 Jidii oh'aa akwat akhwanji nakhwagahnyaa aji oh'aa kwaa akwat ch'aga'aa gwagwaahsith akwat toq oozhrii k'eejit eenjith deegwigwihi'ee akwat Neegwaazhith Drin zhit jii kwaii jyaa digwii'in aji gwik'it t'akhwa'in kwaa geh'an dinjii naji gwiizuu t'akhwa'in nakhwagahnyaa gaa zhyaa gooh'in. Deekhwa'in nakhwagahnyaa aji gwik'it t'akhwa'in kwaa aji geedan gwik'it t'igii'in ts'a' Vit'eegwijyahchy'aa shoo tr'aahsith giindhan geh'an jyaa digii'in t'igii'in aji gook'eegohthat shro'! 17 Jii Moses va-law ts'a' drin shroodiinyaa kwaii aji zhyaa gwank'oh nilii k'it t'inchy'aa geh'an govodohk'ii kwaa. Vit'eegwijyahchy'aa deeh'e'yaa nyaa diineenjith gwii'ji aji'ee Christ k'iighai' t'iizhik t'inchy'aa. 18 Khazhak t'iichy'aa haa zheekat gwich'in naji ts'a' khagigidiinjii gwik'it nakhwan chan khagadohji nakhwagahnyaa ji' gwik'it t'akhwa'ya' shro'! Gwik'it t'akhwa'in ji' jidii Vit'eegwijyahchy'aa nakhweenjith gwii'ji aji oohohdal kwaa t'oonchy'aa. Jii dinjii naji goovandee ts'a' gwigweelki zhit k'eegwiichy'aa gwagwaah'in aji Vit'eegwijyahchy'aa vats'an t'igwii'in ginyaa ts'a' geech'agwahtan. Zhyaa jyaa diginyaa gwigwiitsaji aji geech'igii'in gaa geech'aroo'ya' gwakwaa t'oonchy'aa. 19 Jii jyaa digii'in haa Christ vik'injuhkhith ts'a' Vagwandak Nizii eech'qahtan aji akhagagoonjik. Diiki aji'ee diithaji' deeh'e'yaa ahnyaa gwik'it t'ii'in ahtsith aji gwik'it Christ juu yik'injiighith naji doo'yaa oonyaa gwik'it t'igii'in ahtsith. Ch'at ts'a' tth'an haa diithaji' nihlakhwaht'a' aji gwik'it juu Christ k'injiighith naji khaihak giheelyaa ts'a' Vit'eegwijyahchy'aa jyaa dagoo'ya' goovoonyaa gwik'it nihlaa gwitr'it t'agwagwah'in haa gahaahshith ts'a' chan giheent'aii.

²⁰Nijin Christ niindhat daj! khit tr'agwaanduu t'agoo'ya' nohthan datthak vaa niyiindhat ts'a' dzaa nankat nats'aq deekhwa'in aji gwik'it t'akhwa'in gwat'oohchy'aa kwaa. Aji gwiizhit jaghaii tth'aii hee dzaa nankat nats'aq deegii'in datthak gwik'it t'akhwa'in?

²¹Jii law kwaii deekhwa'yaa goo'aii nakhwarahnyaa t'ee jii kwaii: "Jii nakhwanli' haa neehoozhik shrq'! Jii k'it t'inchy'aa shih oh'aii ts'a' oh'aa shrq'! Jii kwaii k'it t'inchy'aa kat noonjii shrq'!" ginyaq.

²²Jii law kwaii t'ee shih tr'ihee'aa goo'aii gwinyaq t'ee vit'eegwaahchy'aa aji t'ee akharoonjik, ts'a' duuyeh niighyuk vit'eegwaahchy'aa. Jii deegwehee'yaa goo'aii t'ee dzaa nankat gwidinjii naji yitsaji aji geh'an vik'eegwarahthat gwit'eegwaahchy'aa kwaa.

²³Jii law kwaii dzaa nankat gwidinjii deegwehee'yaa goo'aii ginyaq aji lyaa diineenjii gwinzii t'igwinyaq. Jyats'a' dinjii naji geegahtan, googwanrii t'igihee'yaa gwizhrh aji gwik'ighai' Vit'eegwijyahchy'aa haa gwinzii nigilzhii k'it gwigweheechy'aa geenjit, khazhak giinlii adagaa'ii ts'a' Vit'eegwijyahchy'aa shoo gahtsii giindhan geh'an dagatthaj' khaiinjich'agahtthat. Gaa nijin dinjii naji jii deegihee'yaa goo'aii gwit'eegwagwahthat daj!, khit tr'agwaanduu t'agoo'ya' giindhan akhagagoonyaa kwaa t'igii'in.

**Vit'eegwijyahchy'aa Shooahtsyaa Gwizhrh
Geenjii Gwitr'it T'akhwa'in**

3 ¹Nijin Vit'eegwijyahchy'aa, Christ niindhat gwats'an ninekhin daj!, nakhwan t'ee vaa nineedhohkhin k'it t'akhwazhit. Aji ts'a' nats'ahts'a' dinjii zheekat gwats'an nilii gwehendaii goo'aii naji k'it khit gohdaii. Izhit t'ee Christ, Vit'eegwijyahchy'aa vishriits'aji dhidii t'oonchy'aa.

²Nats'ahts'a' dinjii zheekat gwats'anh nilii naji gwagwandaii gwik'it gwizhrh goiindhadii nohthan ts'a' dzaa nankat gwich'in naji Vit'eegwijyahchy'aa haagiindaii kwaa ky'aa gwagwandaii aji gwadrajii ninjich'ohthat shrq'!

³Nijin Christ niindhat daj! vaa noodhat k'it t'akhwazhit aji geh'an jii jyaa dakhwa'in, ts'a' juk Vit'eegwijyahchy'aa vandah Christ vaa khaihtak oh'ii. Dinjii naji, jii gwandaii k'eejit khwa'ii aji gwinzii gaagiindaii kwaa t'oonchy'aa.

⁴Nijin Christ, gwandaii k'eejit akhwa'ii nakhwiltsaji nineezhii ji!, vich'eegwahndit zhit vaa nakhwagwahaakyaa t'oonchy'aa.

⁵Ajits'a' tr'agwaanduu gwigwitr'it zhr̄ih t'akhwa'ya' nohthan ajī niindhat k'it t'oonchy'aa geh'an chan nakhwats'a' k'eedeegwaadhat shr̄o'! Tr'agwaanduu zhit ch'aanagoh'aa shr̄o', ts'a' jyaa gwizhr̄ih dashoo'ya' nõhkhya' shr̄o', ts'a' tr'agwaanduu gwigwitr'it t'asho'ya' nõhkhya' shr̄o'! Dzaa nankat gwak'aiich'i' l̄ej̄i shoo'i' nõhkhya' shr̄o', jyaa dakhwa'in daj̄i' ajī k'aiich'ii kwaii ch'ik'itiltsj̄i' khadhoh'ee k'it t'akhwa'in t'oonchy'aa. ⁶Ajī geh'an juu tr'agwaanduu tr'agwah'in naj̄i' Vit'eegwijȳahchy'aa ḡhdaa kwaa googwah̄shii t'oonchy'aa juu yik'eegwahthat kwaa naj̄i' datthak jyaa dahah'ya' t'oonchy'aa. ⁷Nakhwant'ee Christ vik'injahohthaa gwats'a' daj̄i' tr'aanduu gwigwitr'it zhr̄ih t'agwaroh'ya' nohthan.

⁸Gaa jii deekhwa'in chan gwik'it t'ineekhwa'yaa kwaa goo'aii: Zhyaa zhoonts'īi shr̄o'! Nik'īi gwanlii haa dinjii naj̄i' ts'a' gwiiz̄u t'akhwa'ya' shr̄o', ch'izhii dinjii naj̄i' gwiiz̄u eegoohkhyaa shr̄o'! Ajits'a' chan ginjik iiz̄u haa dloodohdlii shr̄o'! ⁹Nih̄īts'a' ohts'it shr̄o', Christ vik'injahokhit gwehk̄i daj̄i' nats'āa dinjii qh̄īi ajī chan gwik'it dinjii neehoh̄yaa kwaa, juk Christ k'injuhkh̄it zhit dinjii qh̄īi geh'an. ¹⁰Ts'a' Christ k'injuhkh̄it geh'an dinjii ch'ijuk t'inchy'aa needhoodlit. Vit'eegwijȳahchy'aa dinjii k'eejit neenakhwītsaj̄i' ts'a' gwandaa dik'it t'inchy'aa nakhwītsaj̄i', gwinzii vaakhwandaii hoh̄yaa geenjit. ¹¹Jews nilii akwat Jews nilii kwaa ts'a' vatthaj̄i' kat khagwar̄ht'uu akwat vatthaj̄i' kat khagwar̄ht'uu kwaa, jii kwaii ininjich'arahthat gwideegwaahchy'aa kwaa t'oonchy'aa, slave qh̄īi akwat, slave qh̄īi kwaa, ts'a' aakin qh̄īi akwat aakin qh̄īi kwaa, kwaii datthak nihk'it t'igwiichy'aa t'oonchy'aa ajits'a' gaa Christ zhr̄ih jidii datthak andaa veegoo'aii t'inchy'aa, aiizhit geh'an vigii tr'iinlii ts'a' datthak diizhit t'inchy'aa.

¹²Vit'eegwijȳahchy'aa gwitee gwats'an tr'inakhwiinlii ts'a' vigii hoh̄yaa geenjit tthok nineekhw̄inlii ts'a' nakhweet'iindhan t'inchy'aa: Datthak ts'a' dinjii khaiinjich'iighit naj̄i' ts'ohnyaa ts'a' nih̄ēts'a' ch'eeshroonchy'aa haa nihts'ohnyaa ts'a' khazhak qh̄īi ts'a' nih̄eenjit ninjich'qhthat ts'a' khai'gwidlii qh̄īi. ¹³Juk nakhwaa gwik'injiighit naj̄i' tr'agavohdaii gaa nihk'it goovaa gwinzii gwadhoh'aj̄i. Nakhwats'a' gwiiz̄u t'igiizhik ji' gaa gooveenjit ganoondee. K'eegwaadhat nakhweenjit oo'an gwahaadlii gwik'it ch'izhii dinjii nakhwats'a' iiz̄u naj̄i' gooveenjit ganoondee. ¹⁴Ajits'a' ch'eet'igwiniindhan akhwa'īi, jii t'ee

ch'andaa hil'ee t'inchy'aa, nihleenjit ch'eet'igwiniindhan datthak khwa'ijj ji' t'ee nihlaa gwinzii gahoh'aa ts'a' gwinzii khaihłak khohłyaa t'oonchy'aa. ¹⁵Christ nihleenjit tsinehdan khwa'ijj nakhwiłtsajj, deekhwa'in datthak tsinehdan haa t'akhwa'in. Vit'eegwijyachy'aa gwitee tr'anakhweiinlii tsinehdan zhit ch'ihłak hohłyaa geenjit. Aijts'a' Vit'eegwijyachy'aa khit mahsi' vohnyaa. ¹⁶Deekhwa'in ts'a' nats'aa ninjich'ohthat aij gwinzii t'akhwa'yaa geenjit gweedhaa datthak Christ Vagwandak Nizij ininjich'ohthat. Gwizhij haa Christ Vagwandak Nizij nihleedoontan ts'a' deegwinyaa gwik'eegohthat nihłohnyaa, ts'a' Vit'eegwijyachy'aa vich'ilik nihlehts'a' ohłij, vaa t'aih nihts'an hohtsyaa geenjit. Nakhwadrii zhit gwats'an Vit'eegwijyachy'aa nakhweenjit dee'ya' datthak geenjit mahsi' dohnyaa haa ch'ohłii. ¹⁷Jidii t'akhwa'in ts'a' jidii dohnyaa datthak K'eegwaadhat Jesus voozhri' zhit t'akhwa'in, aijts'a' Christ nakhweenjit dee'ya' datthak geenjit Vit'eegwijyachy'aa Gwiti' khit mahsi' vohnyaa.

Gwandaii K'eejit Tr'ii'ijj Zhit Deegwehee'yaa Goo'aii

¹⁸Ch'a'at najj gweedhaa datthak nakhwakai' deenakhwahnyaa datthak gook'eegwahohthat gwizhrij goo'aii. K'eegwaadhat Jesus vaa khaihłak ohłij geh'an jyaa dakhwa'yaa goo'aii.

¹⁹Ch'akai' najj chan nakhwa'at eet'ohthan gwizhrij goo'aii ts'a' ch'eeshroonchy'aa haa gook'eehohtyaa goo'aii.

²⁰Tr'iinin najj nakhwayehghan deenakhwagahnyaa datthak gook'eegohthat, jyaa dakhwa'in dai' Vit'eegwijyachy'aa shoo ohtsii t'oonchy'aa.

²¹Ch'iti' najj, nakhwagii najj khit shruk (scolding) haa goots'a' gohkhyaa shro', jyaa dakhwa'in ji' gwinzii t'igii'in akhagagoohenjyaa t'iginchy'aa.

²²Slaves najj, jii nankat juu nakhwats'a' k'eedeegwaadhat najj deenakhwagahnyaa datthak gook'eegohthat. Gwinzii t'akhwa'in nakhwagahajnyaa geenjit nijin aakin nakhwagaa'ijj dai' nakwaa gaa K'eegwaadhat khadhoh'ee geh'an khit li'didlii haa gooveenjit gwitr'it t'agoh'in. ²³Deekhwa'in datthak nakhwadrii zhit datthak haa gwitr'it t'agoh'in, dinjii najj eenjit tr'agoh'in aij nakwaa gaa K'eegwaadhat veenjit gwitr'it t'agoh'in k'it t'akhwa'in.

²⁴K'eegwaadhat jidii zheekat nakhweenjit gwii'ijj aij nakhwats'an hahtsyaa vaakhwandaii geh'an jyaa dakhwa'in, Christ nakhwats'a'

K'eegwaadhat veenjit gwitr'it t'agoh'in t'akhwa'in gaanoondaii. ²⁵Juu gwiizqu t'ii'in t'ee Vit'eegwijyahchy'aa yagwahaqshii t'inchy'aa Vit'eegwijyahchy'aa dinjii najii datthak nihk'it t'ah'in t'inchy'aa.

4 ¹Juu slaves ts'a' k'eedeegwaadhat najii, slaves nakhweenjit gwitr'it t'agwah'in najii gwinzii gook'qohtii, ts'a' gooveeninjigoozhii shro' nakhwant'ee juu zheekat gwats'anh nakhwats'a' k'eedeegwaadhat eenjit t'ee Nakhwak'eegwaadhat nilii, veenjit gwitr'it t'agoh'in gaakhwandaii geh'an.

Paul, Colossians Najii Sheenjit Khagadohjii ts'a' Nats'ahts'a' Gwik'injiighit Kwaa Najii Ts'a' Geegiheekhyaa Goovaagwandak

²Gweedhaa datthak khagadohjii akhagohnya' shro', ts'a' khagadohjii gwiizhit gwak'qohtii ts'a' Vit'eegwijyahchy'aa khit mahsi' vohnyaq. ³Khagidohjii dai', diikhwan chan diineenjit khagadohjii, jyahts'a' gwik'iighai' tseenjyaa Vit'eegwijyahchy'aa viginjik eegwarahaandak geenjit. Ajiits'a' jidii gwehkii dai' nagwaa'ii chy'ah aii gwizhrh nigweheedaa, dinjii najii Christ Vagwandak Nizii goovaagwarahaandak ts'a' gwinzii deegwinyaa t'igwinyaa gaageheendaii geenjit. Jii gwandak eegwaldak geh'an juk dzaa zheegwaazhraii dhidii t'oonchy'aa. ⁴Vit'eegwijyahchy'aa gwik'it t'asho'ya' shoonyaa geh'an, tth'aii hee dinjii leii najii ts'a' Gwandak Nizii eegihkhyyaa ts'a' gwinzii gaageheendaii geenjit gwik'it teech'igihkhyyaa geenjit sheenjit khagadohjii.

⁵Nakhwagwizhi' t'ohchy'aa haa juu K'eegwaadhat k'injiighit kwaa najii gwinzii goots'a' t'akhwa'in. Gwandak Nizii eech'ahohchyaa geenjit gwik'it nagwaadhat dai' datthak gwik'it t'akhwa'in. ⁶Nijin K'eegwaadhat k'injiighit kwaa najii goots'a' goohkhi dai' ch'eeshroonchy'aa haa goots'a' gohkhi, ts'a' jidii gwarooth'ak giindhan haa goots'a' gohkhi, jyaa dakhwa'in ji' nijin nakhwagwik'injigwiighit geenjit nakhwagaakat ji' nats'ahts'a' gwinzii gwidii gahokhyaa gaakhwandaii geenjit.

Jii Dehtly'aa T'ee Khaiinkoq Paul Neegeedi'

⁷Nijin Tychicus, zhat Colossae k'idik ji' dzaa deesharah'in datthak nakhwaa gwahaandak t'inchy'aa. Diichaa gwik'injiighit nilii ts'a' veet'iihthan t'inchy'aa. Shaa gwinzii gwitr'it t'agwah'in ts'a' K'eegwaadhat vitsyaa nilii. ⁸Jii geenjit nakhwats'a' hool'e'

ts'a', dzaa deegwii'in gaahahkhwandaii geenjit. Aïits'a' nakhwadrii zhit chan hee nakhwaashrigweheechey'aa neegwahahtsyaa. ⁹Dinjii Onesimus oozhii haa nihłaa zhat gwats'a' gihee'al t'iginchy'aa, Onesimus t'ee zhat gwats'an ahaa geh'an vaakhwandaii. Dinjii diihaa gwik'injiighit ts'a' Jesus Christ eenjit gwint'oo gwitr'it t'agwah'in, ts'a' veet'igwiindhan t'inchy'aa, nihłaa dzaa diits'a' deegwii'in nakhwaagwagwahaandak t'iginchy'aa.

¹⁰Dinjii shaa gwik'injiighit Aristarchus oozhii dzaa zheegwaazhraïï shaa dhidii aïï nakhwadiveegoozù' nakhwahnyaq. Dinjii Mark oozhii aïït'ee Barnabas valak yiinlii, adan chan nakhwadiveegoozù' nakhwahnyaq t'inchy'aa. (Ch'adaï' hee diits'an veegohtth'ak, zhat k'idik ji' gwinzii vik'eehqohtyaa yuu.) ¹¹Jii dinjii Joshua oozhii, gaa Justus chan giyahnyaq aïï nakhwadiveegoozù' nakhwahnyaq. Jii dinjii tik naïï zhrïh dzaa Jewish gwik'injiighit giinlii ts'a' Vit'eegwijyahchy'aa Veegwiniiee eegwaraandak geenjit shaa gwitr'it t'agwagwah'in ts'a' łyaa gwint'oo shits'iginyaq t'iginchy'aa.

¹²Nakhwatee ch'ihłee dinjii Epaphras oozhii ts'a' Christ Jesus eenjit gwitr'it t'agwah'in aïï nakhwadiveegoozù' nakhwahnyaq. Khit nakhweenjit gwint'aii khagidiinjii t'inchy'aa. Ch'ankey'aa Shroodiinyaq zhit nakhwagwik'injigwiighit heent'aii ts'a' Vit'eegwijyahchy'aa deekhwa'yaa nakhwahnyaq aïï gaahahkhwandaii geenjit. ¹³Nakhwats'ihenyyaa geenjit gwint'aii gwitr'it t'agwah'in t'inchy'aa, aïïts'a' zhit juu gwik'injiighit naïï Laodicea kwaiik'it ts'a' Hierapolis gwizhit gwich'ïï naïï chan ts'ihenyyaa geenjit gwint'aii gwitr'it t'agwah'in t'inchy'aa. ¹⁴Diiyyaa veet'igwiindhan ilts'ik k'ąahtii Luke oozhii ts'a' Demas haa nakhwadiveegoozù' nakhwagahnyaq t'iginchy'aa.

¹⁵Juu Laodicea kwaiik'it gwizhit gwik'injiighit naïï sheenjit nakhwadiveegoozù' goovohnyaq. Aïïts'a' chan tr'injaa Nympha oozhii vizheh gwik'injiighit naïï khit łinaadal ts'a' tr'igiinkhii zheh gwagwahtsii naïï datthak sheenjit nakhwadiveegoozù' goovohnyaq. ¹⁶Jii dehtły'aa nqh'ya', aïït'ęę Laodicea gwich'in gwik'injiighit naïï tr'igiinkhii zheh gwizhit chan giyahaah'yaa gahohtsyaa yuu. Aïïts'a' Laodicea tr'igiinkhii zheh gwats'a' dehtły'aa nałtsuu aïï nakhwats'a' nigiihaahchal chan hoh'yaa yuu. ¹⁷Ts'a' Archippus jii sheenjit jyaa davohnyaq: "K'eegwaadhat gwitr'it nant'ęęgwiin'aïï aïï dahthee gęhdaa tr'ihiiindal gwats'a' datthak akhagoiinya' shro!"

vahohjyaa yuu. ¹⁸Shi Paul, jii dehtly'aa kat nakhwadiveegoozu'
dihnyaq aji shanli' haa danooit'oo, zheegwaazhraji dhiidii
shanoondaii ts'a' sheenjit khagadqjii.

K'eegwaadhat Jesus vich'eegoonzhrii nakhwaa oolj'!